



BOSNIA AND HERZEGOVINA
Ministry of Communication and Transport
Directorate of Civil Aviation

Broj: JN1-1-4-16-6-4-5/26
Banja Luka, 15.1.2026. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 90. st. (1), (2) i (3) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24) i člana 16. st. (1), (2), (3), (4) i (6) Pravilnika o javnim nabavkama, broj: 1-3-02-3-975-1/24 od 26.12.2024. godine, generalni direktor Direkcije za civilno vazduhoplovstvo Bosne i Hercegovine donosi:

**Odluku
o
prihvatanju cijene ponude**

Član 1.

Ovom odlukom prihvata se prijedlog cijene ponuđača „Mikrofin osiguranje“ a.d. Banja Luka za nabavku kasko osiguranja osam (8) službenih vozila Direkcije za civilno vazduhoplovstvo, po ponudi dostavljenoj dana 12.1.2026. godine, u iznosu od 5.403,55 KM bez PDV-a, u postupku javne nabavke putem direktnog sporazuma.

Član 2.

Finansijska sredstva za ovu namjenu su obezbijeđena iz vlastitih sredstava Direkcije za civilno vazduhoplovstvo Bosne i Hercegovine.

Član 3.

Ova odluka se objavljuje na službenoj internet stranici Direkcije za civilno vazduhoplovstvo Bosne i Hercegovine i istovremeno dostavlja ponuđaču.

Član 4.

Ova odluka stupa na snagu danom donošenja.

Obrazloženje

Javna nabavka kasko osiguranja vozila sprovedena je putem direktnog sporazuma. Procijenjena vrijednost javne nabavke iznosi 6.000,00 KM bez PDV-a. Nabavka je planirana u Privremenom planu javnih nabavki za 2026. godinu pod rednim brojem 4 - usluge.

Direkcija za civilno vazduhoplovstvo Bosne i Hercegovine (u daljem tekstu: BHDCA) je istražila tržište i utvrdila da planirana vrijednost nije veća od odgovarajuće tržišne cijene, na osnovu čega je, dana 8.1.2026. godine, podnesen Zahtjev za pokretanje postupka javne nabavke u skladu sa članom 16. stav (2) Pravilnika o javnim nabavkama, broj: 1-3-02-3-975-1/24 od 26.12.2024. godine (u daljem tekstu: Pravilnik). Uz isti je priložena i zabilješka i dokumentacija o ispitivanju tržišta, u skladu sa članom 14a. Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: ZJN).

BHDCA je postupila u skladu sa članom 90. stav (2) ZJN i članom 16. stav (3) Pravilnika, te zatražila ponudu od tri privredna subjekta. Nakon isteka roka za dostavu ponuda, utvrđeno je da se na poziv za dostavu ponuda odazvala tri ponuđača:

1. „Mikrofin osiguranje“ a.d. Banja Luka, koji je ponudio cijenu od 5.403,55 KM, bez obračunatog PDV-a.
2. „Euros osiguranje“ a.d. Banja Luka, koji je ponudio cijenu od 5.957,51 KM, bez obračunatog PDV-a.
3. „Dunav osiguranje“ a.d. Banja Luka, koji je ponudio cijenu od 6.345,96 KM, bez obračunatog PDV-a.

S obzirom na to da je ponuđač „Mikrofin osiguranje“ a.d. Banja Luka dostavio prihvatljivu ponudu, BHDCA je u skladu sa članom 90. stav (3) ZJN i člana 16. stav (4) Pravilnika izvršila prihvatanje prijedloga cijene ponude, te će dodijeliti ugovor ponuđaču iz člana 1. dispozitiva ove odluke.

Odluka o prihvatanju cijene ponude se u skladu sa članom 16. stav (6) Pravilnika upućuje ponuđaču i objavljuje na internet stranici BHDCA.

S obzirom na navedeno, riješeno je kao u dispozitivu Odluke.

Pouka o pravnom lijeku: Protiv ove odluke nije dopuštena posebna žalba.



Dostavljeno:

- Ponuđaču,
- F/AD,
- Internet stranica BHDCA (dostaviti e-mailom),
- a/a.